

道咸同光四朝詩史

自序

余所輯道咸同光四朝詩史先以鋼筆版陸續印行每二册爲一編業已成有二十編矣惟鋼印本係隨手拈取不加抉擇且魯魚亥豕紛紜雜糅閱者憾焉爰於督理大學諸生校課之餘將前數編合爲甲乙二集付諸梓人甲集已於去歲冬季刊成乙集至今秋僅刊十之七八廼自八月以後各省新軍變革命軍起燎原之燄方揚滔天之浸彌巨行省僅存直豫致君競效唐虞伍侍郎廷芳張京卿均以致吾君人倫奇變古所未有成均干羽之彥與厥肆於堯舜爲言剗之民亦均風流雲散浙中周郎中嵩堯謂都門之內上自王公下逮負販靡不驚心喪魄寢饋無時見所爲似昇長生册語洵爲寶錄余坐困危城已三閱月自思鷦寄曹郎本無

職守不敢附食焉不避其難之義而覩彼達官貴人咸懼
危邦而遁樂國私心竊以爲非矧平生別無長物惟此經
史子集數萬卷均由三十年節縮脩脯所購久其晨夕不
忍棄去幾欲以身殉之又念詩史乙集之成僅虧一費因
就已刊者編次爲書其未刊各稿俟大局稍定卽行續鋟
分別排入丙丁各集此時倉卒未能及也嗚呼誦詩知政
季札所言迹熄詩亡子輿寄慨世之盛也上廣喜起明良
之什下進優游泮奭之章及其衰也朝堂寂弦誦之聲袍
澤背好仇之義烹魚在釜鳴鳥不聞淠彼舟流莫知所屆
秋風容易杜陵之茅屋同傾來日大難垓下之楚歌四起
而余於茲時猶復摩抄積帙校訂殘編殆類酣歌漏舟之
愚幾忘餓死填壑之困旣自傷又自笑也惟是甲乙兩集

雖草草告成實未能愜心貴當既殊漁洋感舊之悵又遜
迦陵匠衍之精欲附元氏中州之編敢儕東澗列朝之集
陳中丞昭常近日函詢乙集出版之期有網羅放佚使絕
學不墜遺山虞山不得專美於前之語非余所敢承也
中丞揅挂危蠶困迫萬狀
屢經乞退中樞未允所請世變方亟叢稿尙多續雕之期
未知何日恐河清之莫俟黑白難分望鄉國兮迢遙風塵
方熾前不見古人後不見來者又烏知夫涕之何從也

宣統三年十二月朔昭文孫

雄原名師鄭氏識於京師
同康

東北圖之厲齋

附自題詩史乙集七律二首

梁亡魚爛載春秋經訓誰將古義搜

近十年來上無禮
下無學士大夫之

通脫者率惡聖賢經訓不便於
一己之私圖競倡廢經之論

金鑑千秋懷聖相

張文襄臨

終遺疏有云治國以節用愛人爲本無忘祖宗永不加
賦之言養兵以明恥教戰爲先當思古人不戢自焚之

戒又易簣時賦詩有君陸沈一月陷神州啁啾相弔悲

羣燕梁棟難擋困萬牛我媿遺山修野史露鈔雪纂蘊

嫠憂

王孫困苦欲爲奴鑄錯伊誰忍沼吳境內干城化倭虎

都中大屋賦瞻烏校詩有誤猶讐豕歸隱無家枉憶鱸

秦豈無人謀不用中國之亡必以新軍爲禍始余於今

慨乎言之彼時聞者咸爲咋舌然余亦不料禍發之速

且烈如是也馬主政其昶救時疏稿備論海陸軍之

弊謂近日新軍用財如泥沙會操如兒戲養中宵掩卷

獨長吁

舊刊教育會發言紀實附印此篇之後

中央教育會三次登臺發言紀實

余在中央教育會不肯盲從時論隨聲附和報紙
遂以頑固迂謬肆意詆訶余固不屑與較惟報紙
將余之言論割裂改換失其本真近於故入人辜
爰取會場速記錄所載付之剞氏以質同志

統計三十日中凡開會十六次余就坐位簡單發
言凡二十餘次瑣悉不及備記登臺發言者僅此
三次而已 速記生所錄亦間有誤者然大致尙
屬相符惟字句之間須稍加修正耳海內通人幸
賜教焉宣統三年閏六月師鄭孫 雄記

閏六月初十日

軍國民教育案再讀

即係審查員報告
軍國民教育條件

八十三號登臺發言

本會員於軍國民教育極爲贊成

的但本員所贊成的須將軍國民教育主義編在教科書內灌輸學生腦筋裏頭養成忠勇敵愾之心現在審查案內所主張將體操列入主課令各學堂學生一律常穿操服以便隨時練習運動所謂常穿所謂隨時乃是將從前學部所奏定學堂冠服一概廢棄又將各學堂一切課程一概拋荒豈非將各種大小學堂都改成體操專脩科併可隨時開運動會本員斷斷不敢附和的至於體育會一條乃係添出爲原案所無打靶及拳棍刀法任令學生隨意練習流弊甚多審查員的意思竟要將學生與軍人混合爲一種人使學生一入體育會學部即便無權干涉他未免界限不清本員更有一番意見貢獻於學部大臣這個意見說出來有些兒不合時宜然關係卻極重大現在

中國陸軍已鍊至三十餘鎮聽說還要增加然各處新軍多半未受教育如安徽廣東等省屢次鬧出大事幾至不可收拾本員見近人奏稿指摘陸軍弊病所在有三句話叫做養兵如驕子會操如兒戲用財如泥沙本員以爲這三個弊病不除將來我中國必定亡在這個新鍊的陸軍之手現今學堂學生已有驕矜的萌芽各處中小學堂程度較低的學生往往怕習國文經學及科學一切功課單單喜歡唱歌體操以及種種遊戲及一切運動是軍隊前二句的毛病已經潛伏在學堂內了至於用財如泥沙一句說來更覺可痛庚子辛丑以後初興學堂各省糜費甚多大率鋪張門面近來漸漸好些推求這箇原因由於經費之窘所以糜費雖少而教育範圍也一天縮小一天學

校設備也一天缺略一天近來學務上經濟困難京外都是一樣比不得海陸軍現有親貴大臣主持度支部大臣不得不設法挹注任他糜費此番學部大臣招集中外大教育家徵求意見一定是要改良教育斷不是要將前三項陸軍內的弊病灌輸在全國學堂裏邊弄得將來不可救藥那時悔之已遲了這樣的話人人意中所有卻是不敢說出本員不怕報紙的詆毀及陸軍部的人不願意特爲痛痛快快的說一說務望速記員將本員今天的話詳細記好不要遺漏 又昨天陸會員光熙說甲午庚子兩年之禍由於士大夫不知兵學全無軍事知識這話誠然本員以爲軍學及軍事知識士大夫應該研究的若照此次審查員所列軍國民教育辦法條件種種放任主義固

與真正軍國民教育宗旨渺不相關且其用意實與甲午年主戰的人庚子年排外的人如出一轍總是徒逞虛憍之氣未曾研究世界大勢與中國內情的緣故本員於甲午庚子兩年在京親見其禍言之傷心所以本員以爲甲午庚子兩年的事非由於士大夫之不知兵實由於士大夫之不知兵而好譚兵質之陸會員以爲何如

閏六月十五日 討論變通中小學讀經講經案

八十三號登臺發言 本員對於谷會員的議案是絕對的不贊成谷會員要將高初兩等小學及中學均刪去讀經講經科目併入修身教科書講授名爲歸併實在是廢棄讀經今日爲上無禮下無學之時代左傳云原伯魯不說學現在到處皆是原伯魯真是可嘆初等小學所讀孝

經論語二種文理並不艱深兒童不難領悟剛纔胡會員家祺贊成谷會員議案謂孝經先王有至德要道論語道之以政齊之以刑數語不合兒童心理難以講解本員以爲此數語並不難於解釋孝經論語在十三經內文義最爲明淺道理最爲顯撲不破初等小學讀這兩書可以培養道德的根柢斷斷不可不讀亦斷斷不可併入修身教科書內高等小學及中學必須讀經更不待言小學教科書固要求合兒童心理然亦不可過於遷就如要事事遷就必至終日嬉遊淘氣毫不讀書方爲最合於兒童心理現在吾國少年都以讀書爲苦所以聽見廢棄讀經之說幾於人人歡迎世道人心澆漓至此直可痛哭本員所尤爲悲痛的緣故因爲現在的主張廢棄讀經的人多是讀

過經的不過要發出趨時的議論博那報紙上的贊美遂不惜拔本塞原非聖無法眞是何苦如此至於中學高等小學將各經節讀節講未嘗不可但斷不可刪經總要使學生知道全部經書分篇分章大概情形及其大段道理本員十年以前當學部未開各省初興學的時候已經研究這箇道理做過一篇論說題目叫做論中小學堂脩身讀經教授之法刻在拙著鄭齋芻論內也是主張刪節經文編成教科書的後來自己屢經研究試將經書一二種以意刪節方知茲事斷辦不到卽學部近年所編禮記節本尙是極有學問的人所編本員亦不敢附和以爲可以通行總之各經可以節讀節講斷不可刪譬如一箇人五官百體具備不訪單用手來寫字或是單用眼來看書斷

不可於用手用眼時將他項不用的五官百體任意割去這是最淺顯的譬喻本員更有一箇愚見以爲初等小學孝經論語二經固然必要講讀此外更須添讀二種一種是爾雅內的釋親篇一種是大戴禮記內的夏小正篇這二種卷帙字數無多釋親篇開首云父爲考母爲妣以下均是家族親屬的稱謂且漢書藝文志所謂小學就是孝經論語爾雅三種這三種爲羣經之總滙部章初小讀孝經論語最合古義爾雅雖不能全讀但讀釋親一篇也可使兒童知親親長長的道理夏小正字數更少文法亦好句法極短篇中所言都是普通國民應該知道的現在時憲書內每月採用的東風解凍數語本於月令其實月令邇本於夏小正卽如夏小正正月魚陟負冰月令叫做魚

上冰陟字作升字解與上字意義相同負字尤爲妙絕蓋解凍時上層最遲羣魚自下而上有如以背負冰一般本員曾在家庭及京津友人家塾內所附設幼稚園中試將六七歲兒童每日講授夏小正及爾雅釋親篇一二句併爲繪圖指示兒童咸能歡呼領悟這是經驗有得的比那現在俗本初等小學教科書所講姊姊妹妹小貓小狗好得多了願諸君將本員的話平心靜氣的研究一研究十六日續討論變通中小學讀經講經案

八十三號登臺發言 本員於初等小學不設讀經講經科實在很不以爲然昨天業經登臺述明意見後因表決少數本員雖無力挽回心中總是不安這箇高等小學及中學的讀經講經科那是斷斷不可廢的本員記得光緒

三十二年三十三年 先皇帝有兩次 諭旨說這大小學堂課程歷次定章均以修身讀經爲本又說斷斷不可廢棄讀經講經功課如有廢棄讀經講經功課而教員不問者不惟學生立即屏斥懲罰教員一併懲處決不姑寬本員要宣讀一過請會長暨全體會員旁聽員一概起立恭聽 旋即謹讀光緒三十二年八月初四日奉 上諭一道又讀光緒三十三年十一月二十一日奉 上諭一道

再昨天有一位賈會員豐臻也是主張中小學均不設讀經講經科的但是他登臺時所發言引用朱子大學序文及王陽明學說以爲不要讀經的證據實足淆惑人心本員當時卽要答復數句因時間匆促本員正在報號請發

言會長卽已宣告認爲討論終局將初小不設讀經科立付表決本員尊重會長命令所以昨日不敢再行瀆請今天大家討論高小及中學應否讀經講經本員不得不答復數語此後務請賈會員將先儒之言細細研究不可輕於發言朱子大學序文八歲入小學云云以及王陽明良知學說並無不要讀經的意思實屬強誣古人況且朱子之說本於周禮地官及禮記王制篇陽明之學亦多本於孔孟之緒論假使朱子不讀周禮禮記卽不能成爲大儒陽明不讀論語孟子卽不能開一學派益見讀經講經是斷斷不可廢棄的願諸位會員大家研究研究

道咸同光四朝詩史序

子輿氏謂詩亡而春秋作詩未嘗竟亡也三百篇下歷漢魏至唐之開元大厯而極盛若宋之元祐明之萬厯流派殊別苟不戾乎風雅之旨不得謂之亡逮我

大清

列聖相承重熙累洽幾政餘暇賡詠爲樂

御製宏篇超邁往古其時教澤所被上自王公卿相下及草茅衣褐之士往往嫻習聲律馳譽壇坫于是刻本盈帙乾嘉以前彙選尤夥自茲而降英彥輩出或專集行世或零篇斷句隱顯于風塵榛莽之間其不與煙雲幻滅者亦幾矣孫君師鄭夙以詩名懼雅道日微慨焉以搜討爲已任輯道咸同光諸家編爲四集題曰四朝詩史甲集已付

剗剗今秋乙集又成乞序于予嘗以爲詩通乎樂發于聲
根于心正變殊體固可以覘時會者也故曰志微噍殺之
音作而民憂思譁諧慢易之音作而民康樂順成和易之
音作而民慈愛流僻邪散滌濫之音作而民滯亂其字櫛
句比爲法同而音各異其異也人所提倡亦時爲之當四
朝之時海內人士以居諸之餘力雍容詠歎名作如林而
皆承

先朝德化涵濡煦育且二百年以有此也今學風遞嬗更
厯歲月未測涂轍所循較前代奚若倘此集告竟不獨存
數十載士大夫騷人墨客閨秀方外之聲欬而政教典禮
風俗名物之鱗鱗並因以散見其略昔子美思力沈鬱撫
時述事論者尊曰詩史一家之言且然况纂次累朝篇什

者哉斯道未廢吾知必有主持風尚者防其變守其正引
惶按節循是而上躋

國初明良喜起以叶乎溫柔敦厚之教茲編功亦壯矣
宣統辛亥秋月貴陽陳夔龍序于北洋節署

匹龍詩史敘

往者辛巳壬午間余草創元詩紀事借人之書麋集終日
翻閱抄撮元人詩本事外國朝人詩有本事者遇之尤
夥思別撰國朝詩紀事既而思之凡人之情物之難得
者乃覺可貴一友朋也日夕往還淡然視之千里契闊則
悄然以思矣一文字也其人生存雖至佳亦尋常置之一
旦化爲異物則愛護有加焉詩紀事之體例在網羅散佚
搜集前人評品多成於異代之手故宋計有功撰唐詩紀
事國朝厲鶚撰宋詩紀事郭元釭全金詩中有金詩紀
事周春有遼詩話亦其變體也其義既以事存詩以人存
詩故與唐人選唐詩篋中極玄中興間氣河嶽英靈諸集
必其詩之中選者不同所謂物以難得爲可貴也若以

國朝人爲國朝詩紀事則有難焉者矣三百年來作詩者衆其集之存與不存而存於他人選本者已不可勝數又夫人而爲詩話卷帙繁而不殺其號稱名章秀句益復不可勝數準前人詩紀事之例當盡采無遺也則數百卷不足以容之矣故逡巡而不敢爲也來京師而識孫子師鄭云將爲國朝詩紀事後改爲四朝詩史雖斷自道光然合已逝生存者而並錄之則尤浩博無際涯者矣既刻成甲集問序於余余曰君作眉韻樓詩話嘗謂余生平論詩至嚴則於君所爲浩博無際涯者固未易調停其說矣君曰子言固也然吾有一譬焉外人每譏吾國無史學所有歷史史料而已吾所錄無以名之姑名詩史亦史料而已以爲史則去取必嚴以爲史料則去取之不嚴留以

待後人之去取可也蘇堪題吾詩史閣圖云當代詩人首
達官曾問實甫數詞壇潛夫只有傷時淚也作君家史料
看實甫所謂達官曾文正張文襄諸公是也吾卽取蘇堪
史料之言以自說勿終拒而不吾序也君言甚辨遂以余
所見及君所言並書之辛亥又六月陳衍敘

道咸同光四朝詩史乙集目錄

卷一

許乃穀

一玉年

黃文琛

二海華

葉坤厚

二湘筠

宋人傑

二梅侯

鄧瀛

二介槎

陳慶鏞

一頌南

吳兆麟

二筠軒

桂超萬

一丹盟

吳昆田

二介軒

張際亮

三亭甫

方東樹

二植之

卷二

林鴻年

一勿村

黃紹芳

一石

周沐潤

二文之

周源緒

一認盒

江忠源

一忠烈

馮桂芬

二林一

廉兆綸

二琴舫

馮譽驥

三展雲

文星瑞

一樹臣

孫壽祺

一子福

王權

三笠雲

林壽圖

一穎叔

路璜

二漁賓

蔣超伯

三叔起

段紹印

一榴園

郭嵩燾

二筠仙

陳寶廉

二幼農

孫廷璋

二蓮士

吳可讀

二柳堂

周星譽

二吟叔

周星詒

一季貺

陳元祿

二抱潛

朱綬

二仲潔

卷三

丁寶楨

文誠

方濬師

子嚴

陳壽祺

珊士

劉蓉

霞仙

路瑄

璧人

沈士良

伯肩

張元吉

蓉鏡

馬起升

慎庵

汪昶

韻和

閔道源

玉川

陳寶箴

右銘

戴望

子高

陸宗泰

燮堂

卷四

賈樹誠

琴巖

黃體芳

漱蘭

朱鑑成

眉君

丁蓉綬

雲

任其昌

士言

曹秉哲

吉三

朱彭年

華潛

譚獻

仲修

諸可寶

遲鞠

楊銳

叔嶠

宗延輔

月鋤

袁思韞

錫臣

宋廷樸

梓儕

吳觀禮

圭庵

胡欽

德齋

劉鍾英

芷衫

涂啟先

舜臣

榮文達

可民

高延第

子上

曾紀澤

惠敏

鄧繹

保之

蔡燮昌

耀甫

高宅陽

麗中

廖壽山

石愚

吳懷珍

子珍

蔡希邠

稼堂

楊光儀

香吟

劉樹堂

景韓

劉瑞芬

芝田

鄒鍾

樂生

姚潛昌

慕庭

吳鴻綸

儒卿

金安清

眉生

金應澍

晴初

卷五

趙藩

樵村

繆荃孫

筱珊

劉曾騷

驥臣

顧家相

輔卿

李瀚昌

石貞

梁鼎芬

節庵

陳興岡

絨齋

康詠

步崖

朱銘盤

曼君

許淮祥

子頌

吳慶坻

子修

宋滋蘭

佩之

宋滋菁

象之

閻蘊武

安甫

曹允源

根蓀

惲毓鼎

薇孫

江標

建霞

周樹模

少樸

王艾

子蓬

文廷式

道希

吳蔭培

穎芝

王以慤

夢湘

柯紹慤

敬儒

成昌

湮生

張蔭桓

樵野

朱啟連

歧惠

張錫鑾

今頗

李嘉績

雲生

陳崧

夢石

劉洪度

爾侯

楊葆光

古醜

李寶翰

佩宜

戴啟文子開李恩綬丹叔王汝純粹甫邵曾鑑心炯

鄭官應陶齋

卷六

李結綠寶梁啟超任公周峻圻季俠吳學廉鑑泉

趙熙堯生張振芳馨庵林旭嗽谷周行原頌廬

金葆楨實齋汪鍾霖甘卿陳銳伯弢陳景星笑山

榮文祚祉宇劉世珩葱石徐仁錄菽甫彭年伯禾

喻長霖志紹章華縵仙凌福彭潤臺齊耀琳震巖

康有為長素俞建雲潤青翁長芬怡龕王賓基叔騰

成木璞珠如廖其昌森嶺吳恭亨嚴村譚嗣同復生

胡念修石階袁繼韓小山張瑞麟蘭浦言敦源仲淵

陳慶綏公啓徐紹楨固卿李德星景卿張雲錦綺年

三

二梓芳

三一 班源

二完甫

二 暴虎

一、生

一、養生

卷七

一、指

一 金石城

器初

卷八

達

宣

二 青雨

陳桂山

二

四朝詩史題詞續錄

諸家題詞已彙錄十餘首列於甲集目錄之後以代

弁言數月以來投贈之稿又盈篋笥爰賡續付梓仍

冠諸乙編之簡端

以下所錄亦有係前數年故人凡所賜題詠今從行篋中檢出者

此錄所未及當俟丙編出版時刊爲題詞再續錄矣

宣統辛亥六月昭文孫雄

原名同康

師鄭氏謹識於雙紅

豆齋

秦綬章字佩鶴江蘇嘉定人

兀峙中區攬九州詩壇史

席負無儔拓開杜甫千間厦歷倒元龍百尺樓自有典型

追正始略從筆削寓陽秋四朝聞見關文獻豈獨松陵補

唱酬

天真閣後嗣前型一室圖書發古馨風雨深宵動

歌泣衣冠曠代聚精靈珍藏合付長恩庫軼事同傳野史

亭總是丹鉛延絕學莫辭天祿校中經

何乃瑩字梅叟山西靈石人

時年六十有七

鴻濛開闢何所有

萬古那堪一回首古人已往今人來何術能教兩不朽麟
經史筆垂千秋馬班繼之史漢留自漢以來二千載大都
治亂詳其由忠臣義士尙多遺逸不能載而況一言一詠
堆積如山邱我朝龍興紀聖武小儒佔畢安足數黃鍾
大呂珍元音玉檢金泥秘天府道咸以來軍事興東華載
記臣所能獨有高人隱士忠愛之所託拔劍斫地磊落不
能平奮然一人作獨抱濟時略用世無權詩有權詩膽如
天氣磅礴放懷橫攬詩人才盡入珊瑚網裏來四海風塵
幻珠玉五雲宮闕輝蓬萊臨江突起玲瓏閣四朝詩人此
中著詩來湧似大江潮豈必騎龍苦探索君家先人流澤

長雙紅豆詞遺馨香天真閣接長真閣繼以詩史騰光芒
我曾拜瞻隨園湖上授經圖閨閣才人照耀如冰壺十三
弟子推第一高風絳帳貽孫謦宜乎詩史旁搜到閨秀一
時鸞翔鳳翥上及瑤池姝我與詩史遇慚已將衰年親見
四朝事欲言而難傳麻鞋奔赴行在所杜陵不作空誰憐
豈意平生志之所未逮而君一旦恢張如凌煙從此四朝
詩人燦燦森列宿永與河漢北斗亘古光常懸畏廬先生
今畫家點染妙趣生煙霞不畫桃李畫松竹欲使歲寒風
節彌天涯聞君攜圖趨東瀛涉海定使蛟龍驚異邦之人
見之應下拜廣宣詩教蠻貊都能行筆則筆削則削君擅
才學識一字費斟酌以史傳詩詩盡傳以詩傳事事有託
以此推之千萬年功名第一麒麟閣方今海波撼神州大

雅淪亡愁人愁極天一閤撐中流俯視蕭梁綺麗之高樓
黃 濬字秋岳福建侯官人 先生穆然醇淑姿手把鉛
槧窮探披百年文獻當在茲入夢羅拜森鬚眉畫中棟閣
飛欄棖選樓佳話重贗追昭朝詩派努干歧秣穠塵垢揚
威蕤如網在綱衣就橈如沙汰金陶取盜如執并剪清亂
絲如剖洲橘碩且飴羅列甲乙無偏虧以示來哲知導師
微生十載事嗚咿騷雅宏悵難涉窺揜窳障陋甯自欺鼓
篋再拜陳其辭康乾學風全盛時南北壇坫爭爲尸掣鯨
碧海光陸離緩袂雅步鳴和熙其間還沓嬗與施所惜顏
色污粉脂三家江左託格卑摹襲宋貊亡骨皮後來道咸
多壇壝鑪鑄泰漢矜瑰琦同光體出駭世兒變極風雅生
古悲滄海橫流萬波隨欲以清角更壘篴巨靈一代鄭太

夷詩境東野同分馳勝流并起推石遺著花老樹無醜枝
義寧公子瓊琚詞力抉凡近求嶮巖驚發大類南金獅論
交范叔及顧癡神至俱泣千蛟螭王秋遜叟湘之湄被服
錦錯棄茅茨跨鸞自吹玉參差恨乏真味沁腑脾餘子風
什魚蓰蓰龍蛇入簪皆夔跳祧唐禰宋承師資東南美盡
珣玕琪豈無瑕璽招毀疵驪黃各賞奚傷爲吾言醉嚙舞
歔歔匪以夙見區等衰天桃穠粲春風遲先生危坐吟撚
髭捧硯聞有樊家姬鈔錄應令右手胝結樓人表容摺頤
寤寐冥漠千秋期嗟哉禹域垂傾隳羣公退食猶委蛇發
祥郡縣據屠耆取次江水飲佛狸出門矯首歌五噫吾儕
憂悔安可辭澤畔計有行吟宜敷拾華藻供點嗤披圖三
復擁涕洟殘觚斷句勤扶持行人太史失職司看取椽筆

傳風詩

吳惟聰字耳似安徽休寧人

詩史閣圖序

天開畫本鍾靈則

星次斗牛地產英才啟秀則雷鳴倚馬門材趙鑠王謝後
人風骨峻嶒金張望族如我師鄭先生者崔盧甲第已負
雕華丁到聲名徧傳騷雅守青箱之世學等白社之隱賢
蘭蕙芬芳情更藹於一室葡萄綺麗譽久滿於中都起八
代之衰爭似掩骼埋胔萃四朝之史珍如拱璧連城由是
黃菊籬邊時滿攜樽之客白楊巷裏時停問字之車靡不
登徐福之舟海天嘯咏投陳遵之轄山澤遨遊似瞻泰伯
之祠猶思風義詩史中多先人題詠若過要離之塚祇覺悲涼詩史中前
輩遺篇多係人亡物在能不悲傷聽雨懷人看花中酒紅樓倚瑟綠傾竹
葉之觴紫塞搗箏青映蓮花之幕金迷紙醉助彼酣嬉水

軟山溫恣其跳盪詩積百家史成萬帙盟薇莊誦篆竹難

銘聰也仇香師友大慰平生庾信家園已成寥落偶因蓬

轉曾吹吳市之簫藉此萍浮亦畫旗亭之壁以知州聽鼓吳門九年於

茲矣曾至維揚供差者再聽金石歌盈天地絕少同聲嘆珠璣吐徧山

川不盈一飽生値太平之日吟無安樂之窩雖甥館之忘

憂近供差鄂省寓武昌馬家巷張紹庭內兄處數月於茲亦旅居而多感玉台初下

紅淚忽流金鏡未圓青絲漸老名場似海孫山則屢困才

人五試棘闈薦卷者三兩試優拔陪榜者再憤而入官往事如雲立塚則長埋知己

回憶程頤清瑤徐次舟賡陞俞夢丹啟元凌幼巢懋及潘嶧琴徐六舟徐季和俞曲園汪龍亭裕蓉坪譚仲脩諸夫

子常哭或折分襟之柳或拈出世之花劉子香焜徐花農琪畢幾庵希卓枕

續文大麟及家兄炯齋舍弟惟允皆寓京師對此茫茫百端交集能不愴懷落

葉慟謝傅之州門揮涕斜陽經黃公之壚舍者乎所以結

四朝詩史題詞續錄

四

響空山最多西氣尋聲幽澗更切商音欣披文暢之全編
能令蛟泣近讀安仁之大箸只恐猿啼播之當時不愧騷
壇之牛耳傳之異日洵誇藝圃之龍頭豈如僕也蟬嘒一
林蛩吟四壁半生羈宦愁與年增廿載交游才同金盡白
頭母老高堂無紫菽之供黃口兒雛破屋有青山之夢每
覩悲傷之作益增頑豔之思墨雨飛香公拾名山之著述
筆花落紙我多委巷之歌謠著有詩文以道太遠不能寄古作也行看駐足
蓬瀛天上奏霓裳之曲自必關心鷗鷺公近奏補大學監督能爲僕覓抄胥
一席人問修焦尾之琴是爲序宣統元年己酉六月

陳昭常字簡始廣東新會人 神州珠玉海山涵近百年
來現彩曇葱鬱煙雲扶地軸玲瓏樓閣指江南江南舊是
傷心地太息山河風景異麻姑三見海揚塵銅仙一夜鉛

成淚溪流明媚。琴川紅豆靈苗。玉田見說紫髯傳。世
舊還聞黃絹愛。詞妍官閑風月。談心罷詩。買香山輕論價。
祕本間關計。驛馳遺篇零落。傷蟬化。况經陽九。話咸同劫。
火燒殘萬戶空。委宛緘。膝香尙在江陵。文武道幾窮我。

朝文治超前代。風采轡軒光。紀載世路朝昏。雜雨晴騷壇。
今古仍槃敦。盟主時推孫仲謀。春旗楊柳繞高樓。論交原
不輕蓬累。長揖何曾拜貴游。浣花當日詩稱史。蘇李情懷
班馬惜。璧擅連城號一家。珠隨赤水遺餘子。曝書焚榭去。
煙霄紀事詩章逐。晚潮前輩餘馨。淒露粉有人。懦響逐雲
韶。層青空曲開孤閣。幅巾坐者清如鶴。不礙幽尋。樹著煙
每逢逸興。泉鳴壑我憶林泉。意轉迷蒼雲如聽子規啼。三
年零雨濛金甲。萬里春風入畫簾。羨君纓蕙崇蘭佩。咫尺

鄉園峯巒黛十級浮圖半晌成一編詩卷千秋在阮王舊
蹟問焦山日月當門海作關郭璞苔岑人幾輩羅含茅屋
夜三間居然平地樓臺起渤澥廻颺搖海市前言合造嶺
雲間同心誰向河流指晞髮吟成翫曉曦江山風雨易迷
離吮毫待問林和靖消息梅花知未知

丁傳靖字秀夫江蘇丹徒人 國朝選詩幾巨子歸愚以
後稱蘭泉讀之往往不稱意徒拾蕭艾遺蓀荃虞山太史
有詩癖鐵網在手探珠圓道光以後世多故百年滄海成
桑田士生其間易感槩春容雅奏非雍乾長篇短什並史
料小雅怨諱周播遷編成度置百尺閣蒼官青史相周旋
林子六法最超逸披圖滿紙生雲煙此中容我置短榻蘧
蘧一夢寧非仙

蔣士超字萬里江蘇無錫人 杜陵以後無詩史孫子徵

詩比於是四朝間見萃一編太史輜軒有如此坐擁書城

擬列侯裁量玉尺空餘子虛境詩徵一閣開林逋平地起

樓臺圖中咫尺便萬里此境直欲疑蓬萊中有人兮操月

旦盧前王後刊落無凡才今日中原無樂土此詩此閣足

千古深林絕壑眞桃源草堂不數浣花杜詩聖詩仙把臂

遊筆削尼山假以斧壇坵風流繼二王漁洋柳村建安公幹並

升堂興滅繼絕在此舉一髮千鈞詩教昌瓣香若廣詩龕

祀夢中已是今冠裳我家清流亦累葉百年文獻遙相接

金沙三蔣入詩徵先祖楚珍虎臣度臣三公感舊漁洋心

亦帖虎臣公生平逸事屢見於漁洋金鵝拙老在雍乾選

樓未入我氣七世祖湖帆公拙存堂詩及高祖醉峯公

金鵝山房詩前人諸選集中罕見採錄

他日全朝詩史成補錄遺詩定周浹

陳詩字子言安徽廬江人海內相知者神交得勝流

上林豔詞賦季野裕陽秋君著有國朝詩史問道希重譯君近為

學監督東瀛西歐各行歌悔白頭蕭條鵲鴿詠君著眉韻樓詩話采

錄予哭舍弟子脩詩且紀舍弟寒日望鄉愁

於癸卯甲辰間入旅順事纂詳孫景賢字希孟江蘇常熟人小閣藏山七尺屏坐收佳

句照丹青黃門不立新宗派詩史略例云於洛蜀宋陸黨

判合鑑而治紅豆還存舊典型吾邑選詩家牧翁列官愛

併爲一談陸沈金馬客名臚鬼唱玉泉亭卷中收譚劉陽林侯官諸詩綠窗正好

攜明月來聚詩壇八百星

許承堯字際唐安徽歙縣人虛堂搖曳萬詩魂人海蕭

然自閉門風雨此聲秋滿地盦燈獨夜佛無言溫磨芳草

懷中字婉嫵修眉夢外痕辛苦叢殘生較晚虞山厯下儻
同論絃外含咀說叩彈月中清梵落魚山何人遲暮倚
高閣卻看回風生紫欄草木零星春淚盡關山搖落賦才
難賣珠空谷尋常事賸有梅花共歲寒

金葆楨字實齋河南祥符人

四首錄二

敏夫樊榭誰宗仰我

識松山又石遺更欲遇君聆謦欬先從展卷見鬚眉十年
月旦勞刪訂並世風騷賴主持吾輩漫嫌高閣束平津一
例寄遐思天眞閣接舊門庭祖武遙繩有典型重與

熙朝存雅頌肯教

聖代闕英靈俯看邗上題襟集輝映

南屏補史亭他日書成應入貢嘉名再錫下

堯廷期君仿鐵

治亭故事也

戴坤字喟庵安徽休甯人

四首錄二

雲樹蒼茫匝九垓悠

悠終古鬱崔嵬斯文將喪經塵劫詞客無靈著死灰淮水
南來悲易逝大江東去挽難迴騷壇牛耳誰爲主端賴扶
輪大雅才傑閣參差翠靄間此中居住亦開顏窗前花
鳥頻供奉檻外雲煙時往還八表風騷歸丈室千秋事業
在名山乾坤六合皆詩境臨眺憑欄意自閑

黃瑞蓮字少白安徽黟縣人

二首
錄一

瞻仰藏詩閣孤高迥

絕塵青錢隨手選花樣逐時新羅拜驚神鬼衣冠夢古人
用沈濤園中丞書中語意名山千載業大雅仗扶輪

張曹元燕江蘇吳縣人

石經峪畔昔徘徊風送松濤沸

夜雷若向此間添此閣詞靈應入夢中來

雲栖十里竹

成村萬綠雲中白板門若向此間留此閣西泠招得舊詩

魂

許乃穀字玉年浙江仁和人道光辛巳舉人官甘肅敦

煌縣知縣有瑞芍軒詩鈔

陽關行

用元道州春陵行韻

一人開明堂三公和鼎司小臣宰西秦五載無寸施脫身
花門還肯作岑參悲敦煌漢雄郡徙民民忘疲揀金貢

天府地肥扶人羸山空金已盡如豹徒留皮西極田曠乾

逋欠奚由追况有沙磧地苗苗期無期吾欲濬水源集眾

荷畱隨地利弗禁搜囊空有餘資賦還丁不逃氓蚩思自

知作歌元道州憐元杜拾遺千載結深契惟荷皇天慈不

則事鞭撻能爲奚忍爲先子捐俸錢

先京兆牧黔西州會捐免民欠三千餘金

遣型謹奉持恃人非恃法此意當告誰江南賦稅重日用

計權宜秦中賦稅輕嵒窳猶支移

宋史移此輸彼移近輸遠謂之支移苟能

裕其原輪將肯後時士豈志溫飽吏合籌盈虧會須百姓足感激見情辭

天齊廟唐槐行和英協揆韻

廟在薊州邦均鎮

輪囷古槐屹成耦託根爭說唐時久幹奇欲貌田盤松花黃詎伍榆關柳薊北千山復萬山空翠森森吸林藪若云古刹神不靈得氣奚於君獨厚嚴霜千載鍊奇骨捧日于今見此手憶昔文皇事北征蕩滌邪氛十去九傳聞瞭甲遺拳石此樹遙遙相與友造物鍾靈非偶然下視凡庸復何有豈知宋棟與榱桷但可成材無不受長白相國天人流一物偶遺誰任咎廟廊作貢因其材煙霞肯老礪溪叟風雲遭際今其時壽國壽人還自壽

黃文琛字海華湖北漢陽人道光乙酉舉人官至署湖南寶慶府知府有思貽堂詩十二卷

歲暮

帝里交游少天涯節序忙貂裘慚季子駿骨感昭王水落高粱涸庭空碣石荒羈懷鬱百慮歲暮益神傷

祀竈膠糖脆書春凍墨融錢銷花窖雪車闕畫棚風歲儉人心富天寒野味豐出游兀馳想略與故鄉同

火米翻匙潔霜柑釘座圓白挑魚尾大青臥鴨頭鮮饋問逢佳節繁華憶往年定知慈母淚凝望向天邊

念我游梁久仍爲旅食人家貧疏骨肉年少閱風塵輾轉孤懷切迢迢兩地春檢囊作歸計虛願抱酸辛

軍禁

壬寅二月二十四日作

聖代嚴軍禁天誅服罪人詢謀資衆議悻悻歎皇仁自促
桑榆日俄傾露電身哀榮慰貞魄祠宇已維新

擬贈晉江御史陳公

慶鏞

皇帝二十有三祀歲在癸卯月建巳萬人一口呼太平歡
動朝廷眞御史御史獻言職所司以言得罪焉敢知傷威
縱敵憤所切高位可復貪庸尸一封朝奏天子聖貴人慘
慄驚名姓我皇大度古來無特蒙褒許更成命愛公宿學
慕公久心傾此事尤頽首公昔釋褐歲壬辰九重憂早求
直臣蹇辭論列劉給諫

光三

先賢後哲同超倫眼中再見

朱雲入延英但少張將軍魏公斌媚作何語沈沈溫室不
可聞公身決爲當世用公文豈獨吾曹誦更須湔剔謀本

根廓清六合安鸞鳳

傲裘

風袖騷騷又透縣一回搜篋一淒然出門遊子春無奈忍
痛衰親病乍痊鐙火細看鍼綫迹關河愁向雪霜天傲裘
猶在音容杳泣數流光十六年

感事

信手塗鴉敢上書蓬頭散帶竟何如求官信有蒲萄酒辯
謗難明慧苴車漫道飛九先中雀未能撲火只殃魚恩榮
獨荷雲章爛日昨頒春下玉除

過慶員外霖故宅

十年文酒嬉酣地腹痛今朝忍再過病葉隕風高柳在荒
階埋雨老苔多生叢衆謗無由弭死戀微名值幾何便出
城東哭宿草滔滔人事日江河

馮二志沂招同梅郎中

曾亮

張大令

穆

何西曹

秋濤

夜集寓齋

自我去京國深悔塵網牽無復文字飲快恨今五年城南
此會合笑口開尊前爲愛座上客僞逸超時賢人海羈熱
甚手持冰雪編開門耿自賞續古心力堅使我大感慰拚
醉情欲顛國家尙經術崇儒政所先搜尋去疵謬墨義苟
相沿久凋弊未改風教何由宣高門幾鸞鳳攀勢飛聯翩
盲人守牛迹潛寶終沈淵吾曹識命分訾讐羞作緣寒柝
寂深巷缺月高在天飲罷不卽去屢換篝鐙圓贈我語媿
媿別懷兩纏綿最愼所染暫而非徒然他日幸惠書千
里證拳拳

葉坤厚

原名法

寧州鎬安椒懷甯人道光乙酉拔貢有江

上小蓬萊吟舫詩存

武陽三交達序云湘筠觀察以拔萃特出宰吾鄉所至有聲由

牧令存擢監司王事軼寧不廢吟詠古體如游龍天矯今體則俊逸清新陝撫伯英之尊人黃方伯

彭年云中丞權直臬時清庶獄修河道追步方恪敏湘筠先生寄詩有經營興百廢及治民如治家之句

嚴迪甫方伯奉 召人都赴省送之不及

勅使忽傳宣 恩綸下 九天屏藩方報國官府或需賢

黃霸還朝日高宗夢弼年班生來已晚空使望登仙

我朝 祖訓超越古初而大端有五日時召見日躬

閱本日教阿哥曰嚴外戚曰抑宦官悉非前代所

及小臣 歌詠太平謹拜手稽首作頌曰

日出日視朝唐虞三代君春秋後人主告朔皆異聞未必

待耄期往往倦於勤我 朝垂大統謨弼稽典墳延英啟

便殿引對當初所樞使與宰輔論政延夕曠或寒暑風
雨未嘗見區分主聖臣亦賢上下成交欣嗚呼萬斯年
開剏暨守文時召見

稽古重巡方民俗必周訪何況章奏陳而肯不親覽漢唐
持大端庶務臣分掌錢穀共兵刑深宮知亦罕我朝帝
業艱列聖皆天廩紛煩日萬幾鉅細胥手擥疏報來四
方批答捷影響天語如面承指畫而口講虞廷儆怠荒
千載心源仰躬閱本

周公佐成周曾抗世子法謨烈訓成王有過伯禽撻後世
皇儲尊近習時私狎始基既不端安望成令德我朝固
本根青宮勤學業誦讀倍齊民保傅資輔夾政治及文章
餘事騎射捷按候課功程從不移晷刻欽茲家法垂世世

不承接

教阿哥

上世帝王姻不知誰氏族馬援因椒房雲臺且難續莽堅
竊國柄漢周祚旋覆霍顯梁冀徒宗絕亦祀盛天家結婚
姻薰焰卽酖毒我朝重親親異姓無敢黷不予以事權
但厚其田祿杜漸防微心聖明計之熟周禮善睦姻保
全終錫福嚴外戚

周官三百六僕御咸正人叔季寵奄寺威權無比倫太阿
旣倒持禍福常相因重臣斂手避奸邪互緣負遞降及明
世綱常盡夷淪我朝鑒殷鑒中人深創懲宮廷備灑
掃名不聞縉紳肅肅二百年誥誡同祇遵乾坤日月朗陰
翳潛消泯抑宦官

少青十月初旬奉差入都約臘八前後可旋山左至

今尙無信到作詩送之

北上車塵計日回殘年風雪緊相催送行憶折河隄柳寄
遠難傳驛使梅三百六旬吹影過二千餘里盼書來老親
倚戶嗟行役懷抱何曾片刻開

宋人傑字杓侯

晚年易名芑培

福建政和人道光戊子舉人有

知足知不足齋遺詩

十上春官屢薦不第年甫四十病歿京師

庚子秋日感事漫書

百年市舶走狂濤問禁今知法不撓

聖主閉關方遠慮

大臣謀國獨賢勞忽聞衆沸歸鼙錯無復雙輪仿李臯何
事端居尙深念惟應談笑飲醕醪

送張亨甫聞母訃歸里

回首三山遠論交十八年相逢長作客知己不名錢今昔
離情在悲歡友誼全此行增悵望霜露滿遙天

遊子今歸里勞人思若何秋聲隨客去雲意入山多後會
身誰健相期髻未皤文章亦餘事臨別漫悲歌

秋懷二首呈詩船師

風雨空齋病葉鳴蛩吟時復感秋聲中年拙計餘疎髮長
夜離憂寄短檠詩不窮人終有恨酒能酌我亦多情前途
被飢看何益無奈儒冠誤半生

流年荏苒入秋顏壯士驚心短日間報國無才慚說劍
還家有夢但看山未酬一飯身誰許思覓雙魚路漸艱留
得青燈黃卷在祇應知已意相關

送陳念庭先生南歸

迢迢萬里冥冥鴻先生歸矣吾道窮吾道根極六經中亘
如日月行長空千年佛老紛戰攻幾人鄒魯開盲聾先生
薈萃漢魏叢師說補綴程朱功弱冠立名便卓卓文章有
價當隆隆九十晝夜電過眼時先生十試禮闈富謂九一
十晝夜矮屋中不堪回首一
萬卷書星羅胸回首廿年迺如此長歎三字將毋同我聞

徐市立倭國古文遂歸滄海東海外令嚴不得見海上老
去千兒童歷漢晉唐屢朝獻譯使往來詞藻工胡爲鳥紀
失鵠鴈坐令魚目欺蛟龍先生道我且好古古人所學非
雕蟲况今彝鼎自典重曷不圭角勤磨礪一官第能對苜
蓿此志亦足酬青驄贈言欲行心怱怱先生歸矣吾當從
吾當從兮渺何許潞河水長津門通片帆且待乘秋風他
日名山時相逢

時先生之旋津過夏
擬至秋初買舟南旋

酬陳嘉軒招飲

長安好客又呼陳十五年前憶吐茵詩未能狂須酌我客
眞畏熱不因人邀來花月都成影交到煙霞定有神搖落
更誰憐宋玉不堪回首是平津

憶壬辰定交鬲津忽忽十
五載聚散屢矣今歲又遇

於京邸回首當年頭顱如
故那得不令人生感也

熊楊二公墨寶謹系二詩

昨夜巫陽下帝闈大風雷電昭煩冤天若祚宋無此事人
皆欲殺公何言即手簡中語不見月星不見日一道神光出幽
室二百年來歎長城千萬軍中誰奪筆

夜氣清明朝九闔古人不死今銜冤猛風惡雨晝久暗持
此問天天無言若使雲開杲出日公亦青衣掃一室東漢
黨錮誤名賢誰是掀天大手筆書中首云猛風惡雨驟暗
想及不禁涕落又云出春明後一
路騎馬落店仍只青衣小帽一尊

鄧 瀛字介槎福建上杭人道光己丑翰林由給事中

外放知府官至安徽徽甯池太廣道有雲章書屋遺

稿

任甯國府時惠政甚多在皖與賊相持七年之久去官之日士民泣送光緒三年入祀名宦祠

乙未典試山西闈中作

院靜簾深竹影紅平章花月矢和衷升沈肯任文由命得失何殊事在躬今日淚防名士灑當時心望此堂公轆轤惆悵無窮思回首秋風十載中

癸卯春出守宣州和王蔭之太史

東槐贈別韻

來纔幾日去恩恩身似春天塞上鴻驛路初融千里雪夢魂長繞五雲宮舊時簪筆鵷巢閣此後趨塵鶴處籠慚愧玉堂諸伴侶離亭樽酒對東風

十年囊粟廁神京東郭齊竽隱姓名三牘曾無韓子上

麾翻笑仲容行陌頭楊柳詩中路樓角梧桐畫裏城聞道
民瘼紛務屏高齋懷古有深情

河梁攜手指江潯戀戀論交六載深人日題詩常侍感中
年惜別謝公心甘泉賦罷宵虛席燕寢香銷畫撫琴報國
相期俱努力不須惆悵歎分襟

己未八月解任赴蘇紳耆絡繹餞送於南湖舟次愴
然皆有難別之意感賦四章聊以留慰

多難吾何濟紛紛淚滿膺祇憐逢射影端爲誤爭承民力
輸芻葜鄰恩餽粟仍衰庸應自劾未用怨青蠅

溝壑流移盡郊原劫燼深飽聞鳶啄肉慘說燕巢林鴻雁
嗷嗷響枌榆惻惻心因人成小補功罪兩難任

禦侮憑羣力同仇盡烈陽先登儒拔幟宿飽女春糧得死

輸桓簡能軍愧李光紅巾猶未滅恨負左難當

豈忍飄然去依依十七春干戈雙鬟改骨肉一州親嘗膽
知余瘁披肝見汝真瘡痕許摩撫敢惜早回輪

次張椒雲方伯同年琵琶亭韻

焚址榛蕪暮色蒼難尋頽壁字行行閒零雨淚嘲司馬愁
對風塵感大娘名盛招尤才是累情深寫怨句猶香蘆洲
千頃霜華白今月何如古月涼

誤作元和侍從官江流不解洗儒酸楚騷同恨空紉佩洛
社何脩早挂冠老大幾人商婦歎和平別調伯牙彈浮雲
自在隨舒卷時向亭西縱目觀

湘江作

此二詩係絕筆

廿年遊跡滯吳鄉飄泊無端又異方投賦弔湘何事怨行

歌入楚不辭狂憑誰擊劍論孤憤且免聞弦感故創報國
未成身易老欲從蓴卜問耕桑

芟帶荷裳乍製成他鄉誰料有逢迎牛衣原不慚兒女馬
磨惟當隱姓名市識伯休焉用藥門封仲蔚不妨耕會須
學到忘機盡片席紛紛啻老爭

陳慶鏞字笙叔號頌南福建晉江人道光壬辰翰林官

至工科給事中有鑑經堂集

正氣閣春祭祀事

於越之山倚天卓勢起嵯峨矗嶽於越之水軒波揚迴

海生風盪漉瀾扶輿盤結鍾輪囷鑄生大雅市與申六干

君子萃會計東南竹箭多貞篔簹哉英賢代繼起清侔夷

魚性龍比甲申龍戰雲雷屯攀岳從天罔悉紀兢山北斗

學之宗劉忠端文貞倪公大司農倪文貞忠介忠惠受命

死施忠介周張何嚴相追蹤周文忠烈鳳翔張忠節焜

恒武貞桑榆著晚節嵩臚扞振枕冰雪余忠新建父子垂

世勲繼飲吳鉤既更烈王文成孫先通其一時相率仗

義行立德立功銘太常煌煌天語下明詔賜諡表烈流

芬芳邇者舟山海氛煽蛋船賈舶突江面葛君元戎蒼兕

呼乃捐乃釁力死戰葛壯節雲楊尉一介防吳淞樓船直

下聲鑿鑿指日滅賊賊反噬捐生赴義詞從容上海典史楊君慶恩

死吳曠世德型共一轍氣如河岳心如鐵浩然剛大凌乾

坤明德馨香永不滅寢廟有血靈桑梓燕壑今建樓明祀

拜者趨者嚴樞衣仰瞻道貌長敬止

東坡生日

瓢笠行歌僂耳嶺已醒春夢泣宣仁生於神哲原無負才

到韓歐復有人百代更誰同丙子三閭如共降庚寅金蓮

玉局皆陳迹倍憶蘇齋醉酒頻

吳兆麟字筠軒號書瑞浙江錢塘人道光壬辰舉人官

江西鹽法道有鐵華山館詩稿

聞苗沛霖就戮詩以誌喜

亂民犯天常非勦不爲武將帥爾何心輒謂是宜撫有苗
本庸豎藉團以嘯聚僞職受粵匪甘爲賊心膂乃復掩逆
迹甘言誤官府三窟營狡兔兩端徒首鼠昔者李西平進
攻疾風雨庸人利賊存飾辭肆撓阻楚師旣易帥醜類益
自詡遂使壽春城人民委豺虎旁邑悉蹂躪燄若燎原炬
衆議猶依違理勢昧如瞽賢王提兵來旌旂日卓午鷹揚
大合圍螳臂敢撐拒賊衆逾二萬殲之祇一鼓首授得元
兇駢誅盡黨與流血成長渠彎弓士猶怒繫彼萌蘖初拾
之僅須俯伊誰實養癰竟致指如股豈無反側子頑梗欲

相祖天討威旣彰伏莽惡敢怙庶幾淮潁閒悉爲乾淨土
勲業豈尋常照耀足今古爲語議撫者成效斯可觀

黼堂中丞出觀周忠介公伯子端孝先生血疏貼黃

端孝自記刺指血縑疏成後姚文毅公以貼黃內
鼎湖勸進四字未安爰刺舌血重縑其指血所縑
貼黃裝池藏之並疏上後倪文煥伏誅毛一
鷺已死免科與史小異建祠賜額等與史同

勝國名臣魏忠節有子殉父稱賢哲

明紀事本末大中卒
於獄子學泚死之

端孝先生拂衣起孝子之孝焉事此倪文煥毛一鷺毒害

忠直媚逆閹千秋冤獄廷弼賂逆閹縱殛逆黨存辨冤誓

必叩九關深宵繕疏刺十指染紙時兼血淚痕姚公讀之

忽爲歎貼黃語病猶須改先生握筆殊從容指血雖枯吾

舌在疏陳天聽邀天憫巨奸授首直俄頃崇祠賜額薦馨

香異數易名褒骨鯁矧復殊恩逮三世孝子之心應已盡

心血既盡指血留十三行比玉版鏤一百四十有四字字
字慘淡幽光浮吁嗟乎霽雲指常山舌一般漉漉胸中血
忠臣孝子鼎足寰區中指舌兼之性尤烈開軒展卷來長
風呼吸定與神靈通豈必周秦之文鍾王筆希世之寶誰
能同嗚呼希世之寶誰能同鄴侯保之垂無窮

秋日感懷八首

錄五

征調頻煩杼柚空瘡痍調護賴年豐歌興瓠子河流闊浪
溢蒲昌海氣雄三輔涼風摧落葉九重天語問哀鴻流
民安集誠何策都在宵衣旰食中

懷柔德澤被荒遐大舸高檣海市譁蝸角紛爭來臥榻鵬
橋列戍動寒笳重泉未息元衡恨使者方乘博望槎回首
天涯饒涕淚木蘭秋老暮煙斜

漢家宮殿接蓬萊別苑芙蓉池
邇開金闕彩雲間鳳吹玉河曉
日飲龍媒緣邊鞞鼓催征檄
珥筆鄒枚問上才何限雄心倚
長劍劫灰飛處有餘哀

徙戎江統著深謀降虜終貽異
代憂薄海輓輪零雨急洮河笳
角陣雲秋井蛙餘怒沮渠遜牧
馬窺邊右地侯伊古勛名重韓
范長籌還待起高樓

重陽佳節未蹉跎老圃寒香載
酒過陳榻千秋勞拂拭徐亭一角
罨煙蘿幾人妝束誇時世猶有
雲山足嘯歌醉倚西風問張翰
莼絲鱸膾定如何

桂超萬字丹盟安徽貴池人道光癸巳進士由知縣官

至福建布政使司有養浩齋詩集

樂城官舍紀事 八首之四

憶昔初捧檄離家廿里餘羣樵指我言好官福何區少壯
苦貧賤無德加鄉閭邂逅預推崇斯譽誠不虞涓涓半溪
泉就下流成渠桔槔激之轉滋潤到高畬當官不濟物寶
山空回車永懷父老言深恐期望孤

下車告羣神焚疏明已意撰句懸公庭賣法腦塗地

懸聯句公

堂云我如賣法腦塗地爾敢欺心頭有天潔已敢沽名巧詐防胥吏薄俗輕彝
倫蠅頭角微利布教愧無方得情忍自喜素絲化爲緇習
染由漸漬生鐵鑄成杵磨鍼良不易

關城壤褊小通衢冠蓋交傳檄旁午至梯山九譯朝卑官

非所羞敢憚迎候勞事上分應爾柰何慊從驕供億匪云
薄愧茲土地境饔人告斷炊行人責饋牢酒池而肉林餘
者遺坑壕出車告成法征求下四郊明知民力艱不能寬
其徭征盡到鄰車僱之索價高黠金旣無術挂冠焉能逃
前途飛騎來又報臨星輶

莠草害及苗莠言害及政去莠鋤其根民興務經正往時
邪說行徒黨一何盛飛蛾撲燈光殘灰槩萬命邑風豈盡
涓頗乏奇衺徑要使主先入客來不能勝士者民之表爲
我宣禁令人生元氣充庶無寒暑病

吳昆田字稼軒江蘇清河人道光甲午舉人官至刑部

河南司員外郎有漱六山房詩文集

高延第作墓誌云壯從播先生

德輿遊同試禮部盡交當時賢豪時海內稱治平交遊競逐聲氣君抗節守高非其人不出贊欲爲君營外秩當國出其門者多致顯宦一日出贊欲爲君營外秩君不應也某公去位人皆遠避君存問益密自少至老無一日廢學所刊經史及故人遺集數十種子疎字溫叟詩學深邃不媿名父之裔

讀朱琦伯韓怡志堂題養一齋集詩感賦卽用其韻

世人紛紛拾餘唾得句爭爲燕雀賀吾師崛起談元風眾

口雌黃不少挫終賈奇童蚤名聲少陵老大仍窮餓苦心

救世遺書存宿草搖風夕陽卧桂林健者燕許才微顯聞

幽識何大上殿折檻動公卿閉門著書起頑懦質實兩言

義以蔽文章中興論豈過文公年譜屬果齋鯁生姚入春

風座黃

樹齋

姚

石甫

湯

海秋

張

亭甫

久寂

冥丁

儉卿

魯通

孔^宥葉^潤寡唱和得此騷壇執牛耳萬石洪鐘振輕嬌髯
蘇大筆在君手韓廟碑文誰敢作

元旦試筆仍前韻二首

辛酉

任他陸海與潘江酒虎詩龍未肯降卅載名場爭電影百
年流水去湍瀧因緣休問三生石色相誰參七寶幢失旦
寒雞甘自伏不知晴日滿東窗

無端林鳥禍焚巢一任行人起歎嘲風木聞餘悲折骨棣
華落盡泣同胞故園徑曲松陰布老屋軒晴樹影交乍得
暄妍新氣象芳尊霑醉未曾拋

大行哀詩

眷佑誠天命迺適偶世途驚雷初政肅愛日萬方娛百粵
騰煙瘴三江混舳艫老羆方偃卧狡兔竟長驅北走魚麋

釜東窺虎負嵎橫流飄竹櫓隨地起荏苒諫疏恒容直軍
儲不急租戍徵寬市籍師喪貲侏儒楚國才稱首蕃王功
奏膚腴風飛海水毒霧黯雲衢狩與河陽異寒偏塞上殊
妖星纏紫極秋月冷蒼梧嗚咽灤河遠嶒嶸獨石巖迴鑾
人望泣夾道衆歡呼嗣主延安緒冲齡布聖謨中興真
有待億兆共喁喁

寄懷海秋都中卽用見懷原韻二首

燕雲淮水接蒼茫木落風高動大荒軍壘四郊笳入夜邊
聲幾點雁隨陽文章事不關饑飽遊說書遑問短長十載
委蛇下日酒一腔忠愛九迴腸

新居如水想門庭到眼西山一片青學邃翻因貧愈力詩
工豈爲難初經觚棱夢遠宵隨月邸舍寒深夜帶星惆悵

江聲鼙鼓急未容鷗鷺返沙汀

常州

疆臣容易棄金湯輕躁先知獨太常

歲戊午湯敏齋太常自浙江入都向余言

日此來過常州見何制府舉動輕躁必無成功江浙之禍大矣

殷浩負名真是累伍參有

肉欲何償綺羅檀板停戎幕煙月蘭陵作戰場九死餘生

歸禁網千秋史筆在彈章

制府既逮繫頗有營救之者台諫累章論列遂伏辜

蘇州弔徐莊愍公

繫纜城邊瓦礫堆當年歌舞錦帆開倉皇揖盜誰流毒慄

慨臨戎必倚才早有豺狼酣卧榻

時賊未至而廣勇先於城中爲亂

竟看

麋鹿上層臺尙留一死垂青史西市何人亦可哀

張際亮字亨甫福建建寧人道光甲午舉人有松寥山

人詩集

張家渡

文信國故里

煌煌歐陽文磊磊信國節山川鬱神秀並代兩人傑我來
訪故里落日莽嶙嶮煙巒遠際天水波浩流雪悲風起曠
野慷慨思遺烈在昔南宋衰俄頃半壁裂四鎮謀不庸孤
忠力徒竭艱難奮義旅崎嶇出閩粵天亡事已非人存國
未絕哀歌凜正氣獄中肝肺熱荒臺痛朱鳥胡沙照碧血
陵谷有湮頽斯人豈磨滅轉憶年少時曲謹非所屑至今
論已定何媿平津列嗟茲當世賢相士毋乃劣承平獎庸
鄙倉猝誰奮發古來英雄姿豪宕自天骨未遇或脫畧致
身必勇決司勳紉大用廼以傷春卒始思牛奇章泣下揚

州目

十六夜泊張家渡北風甚厲而星月滿天感念故園

舊游淒然成詠

夜燒華燭春江上忽憶平生浩淒愴故人回首幾存亡存

者寥寂我何向當時懽樂曾不知城西看花城北馳紛紛

桃花照溪水溪日欲落花風吹乙亥丁丑間每與嚴或在山後山看花黃洲

徐家園亦有絳桃樹城南池館此最佳花時碧雲橫日暮

乙亥丁丑間蕭亭先生館水南徐氏園有絳桃各一樹花時余與嚴山常過宿花前月出照黃

昏詩情淡與春無痕落盡梨花始不出已令一月忙金尊

熊丈與阿兄年皆餘四十我時年小許長揖酒闌對花或

自泣同時謝與朱謝秀才鵬飛朱秀才嘯真率亦有餘憐我疏狂受

羣謗勸我發憤窮詩書彈指如今二十載頭白惟看熊李

溪上年花自飛無人攀折柯條改天涯處處是風波況復
中年哀感多老去謝安真恨別愁來子野畏聞歌亦知人
生總幻夢對此茫茫那無慟五嶽經時憶向禽孤舟永夕
羈章貢眼兒頻仍吳楚災豹裘駿馬滿燕臺關中半是輸
邊客海內誰非濟世才歸飛只羨雲間鶴露重霜寒免飄
泊江山風月一征人青鬢蕭疏已非昨舊遊細數不分明
何意千秋萬歲名莫向黃公壚下過桃花煙雨欲清明

過邵伯驛

纔見居民出水中廢垣殘壁岸西東蛟龍畫蟄煙檣穩鴻
雁春歸野草空生聚自來關國計隄防應與奠天功蕭蕭
帆去頻回首謝傅祠堂落日風

固安

四朝詩史乙集卷一

七 張亨甫之二

西來一片太行色東逝千年無定河落日羣羊野蒼莽短
衣匹馬劍嵯峨誰能割月補春豔我欲呼風揚酒波燕市
無人惜屠狗醉時共撫瓦盆歌

泊八尺湖戲爲口號

晚風乍醉三杯酒暗雨微吟八尺湖萬里可堪雙鬢短百
年原似一舟孤深知四海吾何濟曠望千秋道豈誣十二
時中惆悵極青天如紙墨雲鋪

揚州別石甫司馬

岱宗不爲高滄海不爲深姚侯期我千秋心感激發歎非
黃金黃金何可無買山負土侯助諸潛鱗豈無燒尾日舉
頷或報雙明珠寄書不到大江北歲寒握手重太息十年
故舊半凋零幸有餘生共眠食趙廉頗漢伏波老猶躍馬

思橫戈行將四十恐見惡肯以文字娛蹉跎登高悵望平
山掌瓊花凋盡迷樓霜石頭流水金焦月猶是英雄古戰
塲眼中飛鳥低山陽釣臺突兀淮陰亡男兒不際風雲會
便可垂竿老故鄉何以不貴復不賤金門射策勞奔忙詩
書自謂報天子縱督八州徒貴仕蕭規曹隨古已然讀律
術成嗟老矣可知七尺爲誰死衣錦晝行耀鄉里不然斯
游可以已朔方冰雪從此始敝裘一笑仰向天元明故闕
煙沙裏去何所慕歸何恃貧道難言聊復爾欲將坏土障
黃河偶憂廟食垂青史以茲忍垢復含羞乞食行吟向薊
州東南萬里青山色送我孤帆淮浦頭風高木脫葉滿地
中有蒼茫四海愁相逢急索廣陵酒痛飲何妨三日留吁
嗟乎賈長沙陳同甫少年自託人妄許邇來復愛申屠蟠

身同傭人屋因樹可惜躬耕半畝無作達強語從龍虎惟
侯慷慨惜我生謬以狷介來狂名低頭耻作曳裾客舉足
如提出塞兵同時知者黃樹齋與鄭雲麓死去離多空復
情正須坐聽江城雁別後惟聞河水聲

將至山陽寄四農

四首錄三

四海今爲不繫舟幾人相見慰離憂故應痛飲淮陰市醉
看黃河落日流

姚侯意氣自雄豪燕市徐廉黃樹亦我曹長恐此生翻寂

寂詩人題碣墓門高

儉卿牢落更蘭岑惜別長安思不禁知否朝來俱握手暮
雲迴浦一時深

方東樹字植之安徽桐城人增生有儀衛軒詩集

亮曾

植之之詩妙在字字有凸凹步步有吞吐國朝詩人無此境界且大段讀去已自成爲植之之詩不似亮等忽唐而忽宋也姚瑩云七言諸作橫空盤硬合

韓蘇歐黃爲一手放翁而下或有未能何況諸子先生卒於咸豐元年時年八十

賀蘭山石硯詩

儀徵相國遺尙書鄧公者

相國體好奇動輒見新格取石供硯材遠致流沙磧巨璞
鋒鏑餘結根賀蘭脊質裏隱戰雲雲宿氣垂澤居然含風
漪紫帶古塞色勒銘今不事籌筆聊相藉顧盼自朝端持
送驅傳驛對書可十手比面共一尺異狀不常見奇姿用
宜擇雪浪看在盆仇池空賞穴因材與器使識者一太息
汾水取澄泥洮州傳綠石譜史考歐米佳品少漠北兩公
國之老輔世資遠畫不損亦不壞名與代無極

真硯不損真手不壞

東坡語

四朝詩集卷一

五

題歸田圖

祁門縣州為太倉州學校官奉上檄與修

之以為能方用顯推而竟

洪君託身何所居萬流之屋高渠渠幾歲藏山霧雨濡豹

文蔚變應時需祇言官冷用亦迂囊底穎脫眾始瞿昔賢

先憂語非誣小試已充大夫扶三江五湖稱上腴厥田厥

賦今未殊屋畹畦雙繩區三百畝為屋五十畝為隴三

畝為雙唐時南詔以五十畝為雙佛書以三畝為雙本

朝旗田以六畝為隴四十二畝為繩乾隆四十八年奉

旨統以畝計不用畹繩功成早潦不復虞長官嘖嘖民喁

喁言揚事舉義則符上賞方將獻納俱薦賢蒙君言若此

胡為乎區區尺寸奚能榆乘流驤首莫躊躇用謝眺詩語意吾將

歸去隨潛夫君不見區心司業有韓徒因緣想慕漢二疏

弇山佳氣無時無來時有鳥鳴鵲雛祖帳車馬紛城隅喧
赫何必減傾都千載相看傳畫圖

送鄧嶸筠先生出關述德抒情感事悵別畢見乎詞
嶺嶠南維屏翰雄瀾驟雷合內遄訂伏波故壘風煙在橫
海新軍節制崇列辟動容嗟禍謫幾人騰口頌膚功艱難
欲伴長途往白首龍鍾未可從

閭鑰戎機事事從獨賢幾歲北山同不欺豪髮公維有太
盡妍媸道亦窮昌志偏教逢鬼難乖時終信與天通共知
宣室需前席豫想明年馬首東

道遠行趨託咏言後車鶴俸比乘軒瞻烏尙想權輿屋失
馬誰參福禍門完士我時慚許厯大權公昔悔張溫前在幕府

力勸陳兵斬英夷義律等

輪臺烏壘皆王土益補忠勤答

帝恩

駐馬銜杯別恨長平生商略與端詳隆名盛位雖難久讜
論嘉謨詎可忘邊地夕陽無限好故家積善有餘慶
環早晚金雞放尙擬聽歌到後堂

喜聞石甫釋罪出獄用東坡西臺詩句示伯符

聖主如天萬物春爭傳解網頌 湯仁 特寬廷平矜疑

獄 眾選咎繇聽直臣遭命忽更逢造命趙岐注孟子三

遭致身誰忍但謀身此合用孫性父祇今外國應知懼宣

布中和自海濱

天公大笑本三時丹檻雷霆倏忽移竹杖芒屨欣得意紅

泉碧澗助忘機石甫出獄卽往交無鮑叔因終脫此如東

恩愛有桐鄉死不辭臺民愛君况復蘇家好兄弟千秋留

誦柏臺詩石甫有別

兄伯符詩